



1613_272.jpg



1613_273.jpg



Seconde Continuation.

273

Qu'il se voyoit aussi que ces preten-
dus os estoient faicts par condensation, ce
qui demonstroit que c'estoient pierres & non
os de corps humains: qu'ils estoient tous spon-
gieux, & par ainsi ne pouuoient estre ny d'hom-
me, ny d'aucun autre animal: & qu'ils estoient
fibres, ce que les os des hommes ou des ani-
maux n'estoient point. Ainsi le Maistre de ces
pretendus os de Theutobochus, voyant sa mar-
chandise descrite à Paris, la vendit à d'autres
charlatans qui l'allerent porter monstrier en
Allemagne & en d'autres pays, où ils gaignoiēt
leur trainante vie à ces pierres osseuses.


En ceste mesme annee vint à Paris vn autre
Charlatan vestu en Suisse, qui se disoit Herma-
phrodite, Il estoit natif du village de Goffe prez
Mets en Lorraine; & auoit esté baptisé pour
fille, & nommé Ieanne Iacques, pource qu'en
sa naissance il ne luy paroissoit aucune verge
virile, ains seulement vn petit trou de la grosseur
d'vn petit pois par où il pissait: Depuis ayant
atteint l'age de vingt ans, son sexe estant des-
couuert par vne verge longue comme le petit
doigt, son balanus imperforé couuert d'vn
prepuce, qui s'abbaisoit & descouuroit, pis-
sant tousiours toutesfois par son petit trou,
luy estant venu de la barbe, on dit qu'il estoit
malle Hermaphrodite, & fut appelé depuis
Iean Iacques.

Du commencement on l'alloit veoir, mais cela
ne dura gueres estant recogneu n'estre Herma-
phrodite. Aussi il fut le subiect du discours sur

*Des Herma-
phrodites,*

*D'un Lor-
rain vestu en
Suisse.*

1613_274.jpg



274
M.D.C.XIII.
les Hermaphrodites, que Riolan Docteur en
Medecine & Professeur du Roy en l'Anatomie,
fit imprimer, pour monstret contre l'opinion
commune qu'il n'y auoit point de vrays Her-
maphrodites.

Et d'une
Moresque
qui se disoit
aussi Hermaphrodite.

La verité de ce discours ne pouuoit entrer en
l'esprit de plusieurs, mesmes aucuns Chirur-
giens & Apoticares asseuroient le Docteur
Riolan, qu'il y auoit vne Moresque aagee de
vingt-cinq ans, bien formee aux deux sexes,
dont elle se seruoit, laquelle alloit par la vil-
le de Paris habillee en fille, recogneuë de tout
le monde pour Hermaphrodite, & monstree
au doigt par les petits enfans sur ce nom.

Toufiours les choses faulses sont receues par
vn commun bruiet pour veritables, & ne se des-
couurēt telles que par la curieuse recherche des
personnes qui ne desirent que profiter au pu-
blic. Il en est aduenü de mesme au faict de ceste
Moresque, car le Docteur Riolan n'ayant peu
par prieres, argent & amys la veoir & reco-
gnoistre, fut contrainct de s'adresser au sieur
de Fonctis Lieutenant Criminel de robbe-
cotte, qui ayant recogneu la consequence de
ceste affaire, l'asseura de prendre la Moresque,
& la mener au logis du Docteur Ellain, où se
deuoient aussi rendre plusieurs Docteurs de la
faculté de medecine.

La Moresque arrestee & prise y est conduite.
Interrogee combien il y auoit qu'elle estoit à
Paris, dit, qu'il y auoit dix ans qu'elle y demeu-
roit en qualite de seruante, & que maintenant

1613_275.jpg


Seconde Continuation.

275

elle seruoit deux Demoiselles logees ensemble. On luy demanda si elle estoit fille; elle respondit, qu'elle l'estoit où croyoit estre, neantmoins qu'elle auoit quelque chose de la nature d'homme: Mais comme on luy voulut manier ses parties, feignant de plorer, refusa de les monstrier, d'autant, disoit-elle, que c'estoit chose honteuse à vne fille qui n'auoit iamais mal-versé de se laisser manier, & apprehendoit qu'on ne luy fist du mal en ces parties là, ou qu'on ne la menast prisonniere.

Le sieur de Fonctis, ayant doucement parlé à elle, avec promesse de faueur, si elle se laissoit manier & veoir pour recognoistre son sexe; elle condescendit qu'un seul la toucheroit, sans la veoir au iour, ou avec de la chandelle. Le Docteur Riolan en prit la charge; mais la Moresque rusée, vsant de son artifice, retira ses testicules dans les aines, & les cachoit avec sa verge dans le creux de ses mains: & de ses doigts, (qui sont le poulce & l'indicatif de chaque main) figuroit ses bourçes en façon de vulue, ou fente composee en son entrée de deux leures ou panneaux, chacune couuerte de poil ainsi que sont toutes bourçes repliees & mises en deux comme ceste Moresque faisoit. Mais sa subtilité recogneuë, ramenee en la chambre, on luy feist par force oster ses mains: & alors les Medecins apperceurent son membre viril prominent avec vne grosseur & longueur competente à l'age, & ses testicules pendans gros comme des œufs de poulle. De plus

1613_276.jpg



1613_277.jpg

Seconde Continuation.

277


Chirurgiens, qu'elle estoit Hermaphrodite.

Au mois de Iuin l'Apologie Latine d'Adolphe Schulkenius, imprimee à Cologne, contenant plusieurs propositions tendantes à troubler le repos de la Chrestienté, & contre la vie & Estat des Roys & Princes souuerains, fut par sentence du Preuost de Paris bruslee par l'exécuteur de la haute Iustice en la place de Greve, Et furent faictes inhibitions & deffences à tous Imprimeurs & Libraires d'en vendre, & à toutes personnes de quelque qualité & condition qu'ils fussent, d'en auoir, retenir, ny communiquer: Et si aucuns en auoient à eux enjoint de les apporter au Greffe du Chastelet pour estre bruslez: à peine d'estre punis comme criminels de leze-Majesté.


*L'Apologie
de Schulke-
nius bruslee.*

Ceste Apologie estoit imprimee avec l'approbation de Cosme Morelles, Inquisiteur à Cologne, lequel au Chapitre general des Dominicains, ou Iacobins, tenu à Paris en 1611. presida en ceste These, *In nullo casu Concilium est supra Papam*. These, qui a esté cōme la source de tant d'escripts qui se sont faicts en l'an 1612. Et qui a semblé donner comme subject de parler à ceux de la Religion pret. ref. voyant vne si grande diuisiō par escrit entre les Catholiques: bien qu'entreux ils n'en ayent esté aussi exēpts, cōme il se veoid en la Lettre du M. du Moulin, escrete aux Ministres de France contre Tilenus & son liure intitulé, *Examen doctrinae Molinæ de vniūne hypostatica*. Voicy les mesmes mots de la lettre:

1613_278.jpg



1613_279.jpg



1613_280.jpg






Image issue du site mercurefrancois.ehess.fr - Cliché (c) Cécile Soudan